



一七七八六

錢考功集目錄

卷之五

五言律詩

晚入宣城界

靜夜酬通上人問疾

奉陪使君十四叔晚憇大雲門寺

省中春暮酌嵩陽焦道士見招

訓苗發員外宿龍池寺見寄

貞懿皇后挽詞



歲初歸舊山

鑾駕避狄歲別韓雲卿

詠白油帽送客

藍上採石芥寄前李明府

送贊法師往上都

送沈少府還江寧

送虞說擢第東遊

送少微師西行

送昆山孫少府

送屈突司馬克安西書記

送時暹避難適荆南

送邊補闕省覲

送彈琴李長史往洪州

送宋徵君讓官還山

送陳供奉恩勅放歸覲省

送外甥范勉赴任常州長史兼覲省

隴右送韋三還京

送元評事歸山居

送武進韋明府

送上官侍御

送郭秀才制舉下第南遊

送夏侯審校書東歸

送衛功曹赴荆南

送馬使君赴鄭州

送郎四補闕東歸

送陸三出尉

送安都秀才北還

送褚十一澡擢第歸吳覲省

送費秀才歸衡州

送陸郎中

送僧歸日本

送楊暉擢第游江南

送田倉曹歸觀

送張管書記

送蕭常侍北使

送李棲桐道舉擢第還鄉省侍

錢考功集卷之五目錄終

送柳道士

送陸侍御使新羅二首

送陸贄擢第還蘇州

送虞說擢第南歸觀省

送原公南遊

送萬兵曹赴廣陵

送李判官赴桂州幕

錢考功集卷之五目錄終

錢考功集卷之五

唐考功郎中錢起仲文撰

明新安小華羅龍淵編校

五言律詩

晚入宣城界

斜日片帆陰春風孤客心山來指樵路岸去

惜花林海氣蒸雲黑潮聲隔雨深鄉愁不可

道浦宿聽猿吟

靜夜酬通上人問疾

錢考功集

東林生早涼高枕遠公房大士看心後中宵  
清漏長驚蟬出暗柳微月隱迴廊何事沉痾  
久含毫問藥主

奉陪使君十四叔晚憇大雲門寺

野寺千家外閑行晚暫過炎氛臨水盡夕照  
傍林多境對知心妄人安覺政和繩床搖塵  
尾佳趣滿滄波

省中春暮酌嵩陽焦道士見招

朝花飛暝林對酒傷春心流年催素髮不覺

映華簪垂老遇知己一作訓思看寸陰如何

紫芝客

一作多慙紫陽客

相憶白雲深

訓苗發員外宿龍池寺見寄

寧知待漏客清夜此從容

一作在雲松

暫別迎車

雉還隨護法龍香煙輕上月林嶺

一作靜聞

鍾郢曲傳甘露塵心洗幾重

貞懿皇后挽詞

淑麗詩傳美徽章禮飾哀有恩加象服無日  
祀高襟曉月孤秋殿寒山出夜臺通靈深眷

想青鳥獨飛來

歲初歸舊山

欲知愚谷好久別與春還鶯暖初歸樹雲晴  
却戀山石田耕種少野客性一作舊情閑求仲  
應難見殘陽且掩關

鑿駕避狄歲別韓雲卿

白髮壯心死愁看國步移關山慘無色親愛  
忽驚離影絕龍分劍聲哀鳥戀枝茫茫雲海  
外相憶不相知

詠白油帽送客

薄質慚加首愁陰幸庇身卷舒無定日行止  
必依人已沐脂膏惠寧辭雨露頻雖同客  
色不染洛陽塵

藍上採石芥寄前李明府

淵明遺愛處山芥綠芳初翫此春陰色猶滋  
夜雨餘隔溪煙葉小覆石雪花舒采采還相  
贈瑤華信不如

送贊法師往上都

遠近化人天王城指日邊宰君迎說法童子  
伴隨緣到處花爲雨行時杖出泉今宵松月  
下門閉想安禪

送沈少府還江寧

遠宦碧雲外此行佳興牽湖山入閭井鷗鳥  
傍神仙斜日背鄉樹春潮迎客舫江樓新興  
發應與政聲傳

送虞說擢第東遊

湖山不可厭東望有餘情片玉登科後孤舟

任興行月中巖子瀨花際楚王城歲暮雲臯  
鶴聞天更一鳴

送少微師西行

隨緣忽西去何日返東林世路寧嗟別空門  
久息心人煙一飯少山雪獨行深天外猿啼  
處誰聞清梵音

送昆山孫少府

徇祿近滄海乘流看碧霄誰知仙吏去宛與  
世塵遙遠帆背歸鳥孤舟抵上潮懸知訟庭



靜惚竹日蕭蕭

送屈突司馬克安西書記

制勝三軍勁澄清萬里餘星飛龐統驥箭發  
魯連書海月低雲旆江霞入錦車遙知太阿  
劍計日斬鯨魚

送時暹避難適荆南

三把離袂七哀深我情雲天愁遠別豺虎  
擁前程駐馬戀携手隔河聞哭聲相思昏若  
夢泪眼幾時明

送邊補闕省覲

東去有餘意春風生賜衣鳳凰啣詔下才子  
採蘭歸斟酒百花裏情人一笑稀別離須計  
日相望在彤闈

送彈琴李長史往洪州

抱琴爲傲吏孤棹復南行幾度秋江水一作幾處  
皆添白雪聲佳期來客夢幽思緩王程佐牧  
無勞問心和政自平

送宋徵君讓官還山

至人無滯跡謁帝復思玄魏闕辭花綬春山  
有杏田紫霞開別酒黃鶴舞離絃今夜思君  
夢遙遙入洞天

送陳供奉恩勅放歸覲省

得意今如此清光不可攀臣心堯日下鄉思  
楚雲間楊柳依歸棹芙蓉棲舊山采蘭蕪衣  
錦何似買臣還

送外甥范勉赴任常州長史兼覲省

憐君展驥去能解倚門愁就養仍榮祿還鄉

即晝遊橘花低客舍萸菜繞歸舟爲報垂綸  
叟知吾世網留

隴右送韋二還京

春風起東道握手望京關柳色從鄉至鶯聲  
送客還嘶驂顧近驛歸路出他山舉目情難  
盡羈離矢志間

送元評事歸山居

憶家望雲路東去獨依依水宿隨漁火山行  
到竹扉寒花催酒熟山月伴人歸遙羨書窓

下千峯出翠微

送武進常明府

理邑想無事鳴琴不下堂  
井田通楚越津市半漁商  
盧橘垂殘雨紅蓮拆早霜  
送君催白首歸水獨思鄉

送上官侍御

執簡朝方下乘輅去不賒  
感恩輕遠道入幕比還家  
碣石春雲色邯鄲古樹花  
飛書報明主烽火靜天涯

送郭秀才制舉下第南遊

失志思浪跡知君晦近名  
出關塵漸遠過郢興彌清  
山盡溪初廣人閑舟自行  
探幽無旅思莫畏楚猿鳴

送夏侯審校書東歸

楚鄉飛鳥沒一作外獨與碧雲片一作帆還破鏡催

歸客殘陽見舊山詩成流水上  
夢盡落花間

儻寄相思字愁人定解顏

送衛功曹赴荆南

漢家仍用武才子晚成名惆悵江陵去誰知  
魏闕情碧雲愁楚水春酒醉宜城定想褰帷  
政還聞坐嘯聲

送馬使君赴鄭州

東土忽無事專城復任賢喜觀班瑞禮還在  
偃兵年膏雨帶滎水歸人耕圃田遙知下車  
日萬井起新烟

送郎四補闕東歸

無事共干世多時廢隱淪相看戀簪組不覺

老風塵勸酒憐今別傷心倍去春徒言樹萱  
草何處慰離人

送陸三出尉

春草晚來色東門愁送君盛才仍下位明代  
負奇文且樂神仙道終隨鴛鷺群梅生寄黃  
綬不日在青雲

送安都秀才北還

年少工文客言離却解顏不嗟荆寶退能喜  
綵衣還新月來前館高陽出故關相思東北

望燕趙隔青山

送褚十一澡擢第歸吳覲省

林表吳山色詩人思不忘  
向家流水便懷橘  
綵衣香滿酌留歸驥  
前程未夕陽愴茲江海  
去誰惜杜蘅芳

送費秀才歸衡州

南望瀟湘渚詞人遠憶家  
客心隨楚水歸棹  
宿江花不畏心期阻  
惟愁面會賒雲天有飛  
翼方寸佇瑤華

送陸郎中

事邊仍戀主舉酒復悲歌  
粉署含香別轅門  
載筆過鶯聲出漢苑  
柳色過漳河相憶情難  
盡離居春草多

送僧歸日本

上國隨緣至來途若夢行  
浮天滄海遠去世  
法舡輕水月通禪觀  
魚龍聽梵聲惟憐一燈  
影萬里眼中明

送楊暉擢第游江南

錢若功集 卷之五 九  
行人臨水去新詠復新悲萬里高秋月一作色  
孤山遠別時挂帆嚴子瀨酌酒敬亭祠歲宴  
無芳杜如何寄所思

送田倉曹歸觀

青絲絡驄馬去府望梁城節下趨庭處秋來  
懷橘情別筵寒日晚歸路碧雲生千里相思  
夜愁看新月明

送張管書記

邊事多勞役儒衣逐鼓鼙日寒關樹外峯盡

塞雲西河廣蓬難度天遙鴈漸低班超封定  
遠之子去思齊

送蕭常侍北使

絳節引雕戈鳴騶動玉珂戎城去日遠漢使  
隔年多鴈宿常連雪沙飛半渡河明光朝即  
邈秋社早成歌

送李棲桐道舉擢第還鄉省侍

幾年深道安一舉過賢關名與玄珠出鄉宜  
晝錦還蓮舟同宿浦柳岸向家山欲見寧親

金華集 卷之五  
孝儒衣稚子班

送柳道士

去世能成道遊仙不定家歸期千歲鶴行邁  
五雲車海上春應盡壺中日未斜不知相憶  
處琪樹幾枝花

送陸侍御使新羅二首

衣冠周柱史才學我椰人受命辭雲陛傾城  
送使臣去程滄海月歸思上林春始覺儒風  
遠殊方禮樂新

萬里三韓國行人滿目愁辭天使星遠臨水  
澗霜秋雲佩迎仙島虹旌過蜃樓定知懷魏  
闕回管海西頭

送陸贄擢第還蘇州

鄉路歸何早雲間喜擅名思親盧橘熟帶雨  
客帆輕夜火臨津驛晨鍾隔浦城華亭養仙  
羽計日再飛鳴

送虞說擢第南歸覲省

南風起別袂心到衡湘間歸客楚天遠孤舟

錢考功集 卷之五  
雲水閑愛君採蓮處花島連家山得意且寧  
省人生能幾還

送原公南遊

有意兼程去飄然二翼輕故鄉多久別春草  
不傷情洗鉢泉初煖焚香曉更清自言難解  
縛何日伴師行

送萬兵曹赴廣陵

秋日思還客臨流語別離楚城將坐嘯郢曲  
有餘悲山晚桂花老江寒蘋葉衰應湏揚得

意更誦長卿辭

送李判官赴桂州幕

欲知儒道貴縫掖見諸侯且感千金諾寧辭  
萬里遊鴈峯侵瘴遠桂水出雲流坐惜離居  
晚相思綠蕙秋

錢考功集卷之五終



錢考功集卷之六

錢考功集目錄

卷之六

五言律詩

賦得寒雲輕重色送子恂入京

賦得叢蘭曙後色送梁侍御入京

賦得餘冰

賦得浦口望斜月送皇甫判官

賦得綿綿思遠道送岑判官入嶺

江寧春夜裴使君送蕭員外

送薛八謫居

送衡陽歸客

送員外侍御入朝

送李諫議歸荊州

送元中丞江淮轉運

送唐別駕赴郢州

送鄭巨及第後歸觀

宿遠上人蘭若

酌元秘書晚出藍溪見寄

別張起居

郭司徒廳夜坐

初至京口示諸弟

月下洗藥

晚春永寧墅小園獨坐寄上王相公

歲暇題茅茨

九日登王山

宴崔駙馬玉山別業

春谷幽居

賦得池上覆丁香樹

題樊川杜相公別業

訓盧十一過宿

崔十四宅問候

山路見梅感而有作

詠門上畫松上元王杜三相公

早發東陽

舟中寄李起居

夜雨寄寇校書

喜李侍御拜郎官入省

蘇端林亭對酒喜雨

見上林春雁翔青雲寄楊起居李員外

偶成

漁潭值雨

題蕭丞小池

送集賢崔八叔承恩括圖書

送張五員外東歸楚州

閑居寄包何

津梁寺尋李侍郎

山園秋晚寄杜黃裳少府

東溪社野人致酒

憶山中寄舊友

東臯早春寄郎四校書

玉山東溪題李叟屋壁

溫泉宮禮見

送襄陽泉石晚歸

夏日陪史郎中宴杜郎中果園

南溪春耕

錢考功集卷之六目錄終

錢考功集卷之六

唐考功郎中錢起仲文撰

明新安小華羅龍淵編校

五言律詩

內五韻十三首

賦得寒雲輕重色送子恂入京

無限寒雲色蒼茫淺更深從龍如有瑞捧日  
不成陰積翠全低嶺虛明半出林帝鄉遙在

目鐵馬又駸駸

賦得叢蘭曙後色送梁侍御入京

曙色傳芳意分明錦綉叢蘭生霽後日花發  
夜來風不向三峰裏全勝一縣中遙知大苑  
內應待五花驄

賦得餘冰

曉日一作月餘冰上春池一鏡明多從履處薄  
偏向飲時清比雪光仍在因風片不成更隨  
舟楫去猶可助堅貞

賦得浦口望斜月送皇甫判官

起見西樓月依依向浦斜動搖生淺浪明滅

照寒沙水渚猶疑雪梅林不辨花送君無可  
贈持此代瑤華

賦得綿綿思遠道送岑判官入嶺

極目煙霞外孤舟一使星興中尋白雪

一作碧落

夢裏過滄溟夜月松江戍秋風竹塢亭不知  
行遠近芳草日青青

東江寧春夜裴使君送蕭員外

花院日扶疎江雲自卷舒主人熊軾任歸客  
雉門車曙月稀星裏春煙紫禁餘行看石頭

記得是南徐

送薛八謫居

東水將孤客南行路幾千虹翻潮上雨鳥落  
瘴中天謫去寧留恨思歸豈待年啣盃且一  
醉別淚莫潸然

送衡陽歸客

歸客愛鳴榔南征憶舊鄉江山追宋玉雲雨  
憶荆王醉裏宜城近歌中郢路長憐君從此  
去日夕望三湘

送負外待御入朝

別思亂無緒妖氛猶未清含香五夜客持賦  
十年成霜拂金波樹星回玉斗城自憐江上  
鶴垂翅羨飛鳴

送李諫議歸荊州

歸舟同不繫纖草剩忘憂禁掖曾通籍江城  
舊列侯幕帆依夏口春雨夢荊州何日朝雲  
陛隨君拜冕旒

送元中丞江淮轉運

薄稅歸天府輕徭賴使臣歡沾賜帛老恩及  
卷綃人去問殊官俗來經幾却春東南卸亭  
上莫問有風塵

送唐別駕赴郢州

少年從事好此去別愁輕滿坐詩人興隨君  
郢路行蒹葭侵驛樹雲水抱山城遙愛下車  
日江臯春草生

送鄭巨及第後歸覲

多才白華子初擅桂枝名嘉慶送歸客新秋

帶雨行離人背水去喜鵲近家迎別贈難爲  
此衰年畏後生

宿遠上人蘭若

香花閉一林真此看心行道白雲近燃燈  
翠壁深梵筵清水月禪坐冷山陰更說東溪  
好明朝乘興尋

酌元秘書晚出藍溪見寄

野興引才子猶行幽徑遲雲留下山處鳥靜  
出溪時拙宦不忘隱歸休長在茲知音倘相



訪炊黍掃茅茨

別張起居

有別時留恨銷魂况在今風濤初振海鷗鷺  
各辭林舊國關河絕新秋草露深陸機嬰世  
網應負故山心

郭司徒廳夜坐

秋堂復復夜闌舉目盡悲端霜堞鳥聲苦更樓  
月色寒美人深別意斗酒少留歡明發將何  
贈平生雙玉盤

初至京口示諸弟

還家百戰後訪故幾人存兄弟得相見榮枯  
何處論新詩添卷軸舊業見兒孫 平生  
事焉能 門

月下洗藥

汲井向新月分流入衆芳濕花低桂影翻葉  
靜泉光露下添餘潤蜂驚引暗香寄言養生  
客來此共提筐

晚春水寧墅小園獨坐寄上王相公

東閣一何靜  
鶯聲落日愁  
夔龍暫爲別  
昏旦思兼秋  
蕙草出籬外  
花枝寄竹幽  
上方傳雅頌  
七夕讓風流

歲暇題茅茨

谷口逃名客  
歸來遂野心  
薄田供歲酒  
喬木待新禽  
溪路春雲重  
山厨夜火深  
桃源應漸好  
仙客許相尋

九日登王山

霞景青山上  
誰知此勝遊  
龍沙傳往事  
菊酒

對今秋步石  
隨雲起題詩  
向水流忘歸  
更有處松下  
片雲幽

宴崔駙馬玉山別業

金榜開青鎖  
驕奢半隱淪  
玉簫惟送酒  
羅袖愛留賓  
竹館烟催暝  
梅園雪悞春  
滿朝辭賦客  
盡是入林人

春谷幽居

黃鳥鳴園柳  
新陽改舊陰  
春來此幽興  
宛是謝公心  
掃逕蘭芳出  
添池出影深  
虛名隨振

鷺安得久棲林

賦得池上覆丁香樹

得地移根遠交柯  
遶指柔露香濃結  
桂池影鬪蟠虬  
黛葉輕筠綠  
金花笑菊秋  
何如南海外  
雨露隔炎洲

題樊川杜相公別業

數畝園林好人知  
賢相家結茅書閣  
儉帶水槿籬斜  
古樹生春蘚  
新荷卷落花  
聖恩加玉鉉  
安得卧青霞

訓廬十一過宿

乞還方未遂  
日夕望雲林  
况復逢青草  
何妨問此心  
閉門公務散  
枉策故情深  
遙夜他鄉宿  
同君梁甫吟

崔十四宅問候

曉日早鶯啼  
江城旅思迷  
微官同寄傲  
移疾阻招携  
遠水間閭內  
青山雉堞西  
王孫莫久卧  
春草欲萋萋

山路見梅感而有作

莫言山路僻還被好風催  
行客淒涼過村籬  
冷落開晚溪寒水照晴日  
數蜂來重憶江南  
酒何因把一盃

詠門上畫松上元王杜三相公

昔聞生澗底今見起毫端  
衆草此時沒何人  
知歲寒豈能裨棟宇  
且欲出門闌只在丹青  
筆凌雲也不難

早發東陽

信風催過客早發梅花橋  
數雁起前渚千艘

爭便潮將隨浮雲去日惜故山遙  
惆悵烟波  
末佳期在碧霄

舟中寄李起居

南行風景好昏旦水臯閑  
春色郢中樹晴霞  
湖上山去家旅帆遠回首  
暮潮還蕙草知一作  
欲何贈故人雲漢間

夜雨寄寇校書

秋館烟雨合重城  
鍾漏深佳期阻清夜孤興  
發離心燭影出綃幕  
虫聲連素琴此時蓬閣

友應念昔同衾

喜李侍御拜郎官入省

粉署花驄入丹霄紫誥垂直廬驚漏近賜被  
覺霜移漢主前瑤席穰侯許鳳池應憐後行  
雁空羨上林枝

蘇端林亭對酒喜雨

小雨飛林頂浮涼入晚多能知留客處偏與  
好風多濯錦翻紅藥跳珠亂碧荷芳罇深幾  
許此興可酣歌

見上林春雁翔青雲寄楊起居李員外  
上林春更好賓雁不知歸顧影憐青籟傳聲  
入紫微夜陪池露宿朝出苑花飛寧憶寒鄉  
侶鸞凰一見稀

偶成

含毫意不淺微月上簾櫳門靜吏人息心閑  
囹圄空繁星入疎樹驚鵲倦秋風始覺牽卑  
劇宵眠亦在公

漁潭值雨

入林島異鶴鳴風草間孤帆泊枉渚飛雨  
來前山客意念留滯川途忽阻難赤亭仍數  
里夜待安流還

題蕭丞小池

鶯鳴蕙草綠朝與人情期林沼忘言處鴛鴻  
養翻時春泉滋藥煖晴日度花遲此會無辭  
醉良辰難再追

送集賢崔八叔承恩括圖書

雨露滿儒服天心知子虛還勞五經笥更訪

百家書贈別傾文苑光華比使車晚雲隨客  
散寒樹出關踈相見應朝夕歸期在玉除

送張五員外東歸楚州

纓珮不爲美人群寧免辭杳然黃鵠去未負  
白雲期別清興盡高秋臨水時好山枉帆  
僻浪跡到家遲他日詔書下梁鴻安可追

閑居寄包何

名即棲遁何必歸滄浪種藥幽不淺杜門  
喧自忘眠多曉夢鷓散驚初陽片雪幽雲

至迴風隣果香佳期碧天末惆悵紫蘭芳

津梁寺尋李侍郎

禪林絕過客柱史正焚香馴鴿不猜隼慈雲  
能護霜驟聲隔暗竹吏事散空廊霄漢期鴛  
鷺狐狸避憲章遶塔春色至屈草待君芳

山園秋晚寄杜黃裳少府

惆悵佳期阻園林秋景閑終朝碧雲外唯見  
暮禽還泉石思携手烟霞不閉關杖藜仍把  
菊對也看山望望離心起非君誰解顏

東溪社野人致酒

萬重雲樹下數畝子平居野院羅泉石荆扉  
背里閭早冬耕鑿暇戈雁復烹魚靜掃寒花  
徑唯邀傲吏車晚來留客好小雪下山初

憶山中寄舊友

數歲白雪裏與君同采薇樹深烟不散溪靜  
鷺忘飛更憶東巖趣殘陽破翠微脫巾花下  
醉洗藥月前歸風景今還好如何與世違

東臯早春寄郎四校書

錄微賴學稼歲起歸衡茅窮達戀明主耕桑  
亦近郊夜來霽山雪陽氣動林稍蘭蕙暖初  
吐春鳩鳴欲巢蓬萊時入夢知子憶貧交

玉山東溪題李叟屋壁

霞景已斜照烟溪方暝投山家歸路僻轍跡  
亂泉流野老採薇暇蝸廬招客幽麈麈突荒  
院鷓鴣步閑疇偶此愜真性令人輕宦遊

溫泉宮禮見

新豐佳氣滿聖主在溫泉雲燮龍行處山明

日馭前順風求至道側席問遺賢靈雪瑤墀  
降晨霞綵仗懸滄溟不讓水疵賤也朝天

遊襄陽泉石晚歸

遊目隨山勝迴橈愛浦長往來情不淺昏旦  
興難忘木末看歸翼蓮西失夕陽人聲指閭  
井野趣惜林塘稍近垂楊路菱舟擁岸香

夏日陪史郎中宴杜郎中果園

何事重逢迎春醪晚更清林端花自老池上  
月初明路入仙郎次烏連柱史名竹陰踈奈



院山翠傍蕪城引浦不辭醉風來待曙更奈  
南溪春耕

荷蓑趣南逕戴勝鳴條枚溪雨有餘潤土膏  
寧厭開溝塍花盡耒耜度雲迴誰道耦耕  
倦仍兼勝賞催日長農有暇悔不帶經來問

錢考功集卷之六終

錢考功集目錄

卷之七

五言排律

省試湘靈鼓瑟

觀法駕自鳳翔迴

題玉山村叟壁

縣中池竹言懷

山園栖隱

送王諫議任東都居守

遊鄭書記

送族姪赴

長安落第作

酌長孫繹藍溪寄杏

藥室秋暮

哭常徵君

送鮑中丞赴太原軍營

奉送劉相公江淮催轉運

送李秀才落第遊荆楚

奉陪郭常侍宴滌川山池

寇中送張司馬歸洛

奉和宣城張太守南亭秋夕懷友

過山人所居因寄諸遺補

過鳴臯隱者

送楊鎬歸隱

酬劉起居卧病見寄

陪南省諸公宴殿中李監宅

山齋讀書寄時校書杜叟

金元功集 卷七目錄  
晚歸藍田舊居

太子李舍人城東別業與二三文友逃暑

寄袁州李嘉祐員外

楚闈翫雪寄薛左丞

春暮過石龜谷題溫處處林園

宿畢侍御宅

中書遇雨

適楚次徐城

經李蒙穎陽舊居

贈漢陽隱者

巨魚縱大壑

錢考功集 卷七目錄終

錢考功集卷之七目錄

錢考功集卷之七

唐考功郎中錢起仲文撰

明新安小華羅龍淵編校

五言排律

省試湘靈鼓瑟

善鼓一作推雲和瑟常聞帝子靈馮夷空自舞

楚客不堪聽苦調淒金石清音入杳冥蒼梧

來一作成怨慕白芷動芳馨流水傳瀟浦悲風

過洞庭曲中人不見江上數峰青

錢考功集卷之七

觀法駕自鳳翔迴

攬槍一掃滅閭闔九重開海晏鯨鯢盡天旋  
日月來聖情蘇品物龍御一作關雲雷曉漏  
移仙仗朝陽出帝臺周慚散馬出禹讓濬川  
迴欲識封人願南山舉酒杯

題玉山村叟壁

谷口好泉石居人能陸沉牛羊下山小煙火  
隔雲深一逕入溪色數家連竹陰藏虹辭晚  
雨驚隼落殘禽涉趣皆流目將歸羨在林却

思黃綬事辜負紫芝心

縣中池竹言懷

官小志已足時清免負薪卑棲且得地榮耀  
不關身自愛賞心處叢草流水濱荷香度高  
枕春色滿南隣道在即爲樂機忘寧厭貧却  
愁丹鳳詔來訪漆園人

山園栖隱

守靜信推分灌園樂在茲且忘堯舜力寧顧  
尚書期晚景採蘭暇空林散帙時卷荷藏露

滴黃口觸虫絲三徑與羣遠一瓢常自怡情  
人半雲外風月詎相思

送王諫議任東都居守

車徒鳳掖東去去洛陽宮暫以青蒲隔還看  
紫禁同經過乘雨露蕭灑出鴛鴻官署名臺  
下雲山舊苑中暮天雙闕靜秋月九重空且  
喜成周地詩人播國風

遊鄭書記

決勝無遺策辭天便請纓出身難殉死報國

且能兵受命麒麟殿參謀驃騎營短簫催別  
酒斜日駐前旌義勇千夫敵風沙萬里行幾  
年丹闕下侯印錫書生

送族姪赴

林下不成興仲容微祿牽客程千里遠別念  
一片一作帆懸欲嘆卑棲去其如勝趣偏雲山

深郡郭花木淨潮田坐嘯帷應下離居月復  
圓此時知小阮相憶綠樽前

長安落第作

始願今如此前途復若何無媒獻詞賦生事  
日蹉跎不遇張華識空悲甯戚歌故山歸夢  
遠新歲客愁多刷羽思喬木登龍恨失波散  
才非世用回首謝雲羅

醉長孫繹藍溪寄杏

愛君藍水上種杏近成田拂逕清陰合臨流  
綵實懸清香和宿雨佳色出晴煙懿此傾筐  
贈相知懷橘年芳聲來滿袖瓊玖願誦篇把  
玩情何極雲 若眼前

藥室秋暮

隱來未得道歲去愧雲松茅屋空山暮荷衣  
白露濃唯憐石苔色不染世人蹤潭靜宜孤  
鶴山深絕遠鍾有時丹竈上數點綵霞重勉  
事壺公術仙期待赤龍

哭常徵君

萬化一朝盡窮泉悲此君如何丹竈術能悞  
紫芝焚不遂蒼生望空留封禪文遠年隨逝  
水真氣盡浮雲山閉龍蛇蟄林寒麋鹿群傷

心載酒地仙菊爲誰薰

送鮑中丞赴太原軍營

年壯才仍美時來道易行  
寵兼二獨任威肅貳師營  
將畧過南仲天心寄北京  
雲旂臨塞色龍笛出關聲  
漢月隨霜去邊塵計日清  
漸知王事好文武用書生

奉送劉相公江淮催轉運

用國資戎事臣勞爲主憂  
將徵任土貢更發濟川舟  
擁傳星還去過池鳳下留  
唯高飲水

節稍淺別家愁落葉淮邊雨  
孤山海上秋遙知謝公興  
微月在江樓

送李秀才落第遊荆楚

翠羽雖

一作難

成夢遷鶯尚後群  
名遜郗詵策

興發謝玄文  
昏旦扁舟去江山幾路分  
上潮吞海日歸雁出湖雲  
詩思應須苦猿聲莫厭  
聞離居見新月那得不思君

奉陪郭常侍宴滌川山池

掖垣携愛客勝地賞年光  
向竹過賓館尋山



到妓堂歌聲掩金谷舞態出平陽地滿簪裾  
影花添蘭麝香鶯啼春未老酒冷日猶長安  
石風流事須歸問一作省郎

寇中送張司馬歸洛

戎狄寇周日衣冠適洛年客亭新驛騎歸洛  
舊人煙吾道將東矣秋風更颯然雲愁百戰  
地樹隔兩鄉天旅思蓬飄陌驚魂雁怯弦今  
朝一樽酒莫惜醉離筵

奉和宣城張太守南亭秋夕懷友

池館蟬蛄聲梧桐秋露晴月臨朱戟靜河近  
畫樓明捲幔浮涼入聞鐘永夜清片雲懸曙  
斗數雁過秋城羽扇揚風暇瑤琴悵一作別  
情江山飛麗藻謝眺讓前名

過山人所居因寄諸遺補

空谷春雲滿愚公晦跡深一隨玄豹隱幾換  
綠蘿陰絕徑人稀到芳蓀我獨尋厨煙生峭  
壁酒氣出重林蝴蝶晴還舞黃鸝晚暫吟所  
思青鎖客瑤草寄幽心

過鳴臯隱者

礧石老紅鮮徵君卧卧幾年飛一作泉出林下

一徑過窮一作崖巔鷄犬逐人靜雲霞宜地偏

終朝數峰勝不遠一筇前仲月霽春雨香風

生藥田丹溪不可別瓊草色芊芊

送楊銷歸隱

誨作掃門事還吟招隱詩今年芳草色不失

故山期遙想白雲裏采苓春日遲溪花藏石

徑巖翠帶茅茨九轉莫飛去三迴良在茲還

嗤茂陵客貧病老明時

酬劉起居卧病見寄

承顏看彩服不覺別丹墀味道能忘病過庭

更學詩繚垣多畫戟遠岫入書帷竹靜携琴

處林香讓果時聲同叨眷早交淡在年衰更

枉蕪金贈難為繼組詞

陪南省諸公宴殿中李監宅

將門高勝霍相子寵過韋宦貴攀龍後心傾

待士時壺觴開雅宴鴛鴦眷相隨舞退燕姬

曲歌徵謝朓詩晚鍾過竹靜醉客出花遲莫  
惜留餘興良辰不可追

山齋讀書寄時校書杜叟

日愛蘅芳下閑觀山海圖幽人自守朴窮谷  
也名愚倒嶺和溪雨新泉到戶樞叢蘭齊稚  
子蟠木老潛夫憶戴差過剡遊仙慣入壺濠  
梁時一訪莊叟亦吾徒

晚歸藍田舊居

雲卷東臯下歸來省故蹊泉移憐石在林長

覺原低舊里情難盡前山賞未迷引藤看古  
木嘗酒呪春鷄興與時髦背年將野老齊十  
微夕陽退應得遂霞棲

太子李舍人城東別業與二三文友逃暑

下馬失炎暑重門深綠篁宮臣禮嘉客林表  
開蘭堂茲夕興難盡澄壘照墨塲東陵晚來  
好日極趣何長鳥道掛疎雨人家殘夕陽城  
隅擁歸騎留醉戀瓊芳

寄袁州李嘉祐員外

誰謂江山阻心親夢想偏容輝常在目離別  
任經年郡國通流水雲霞共遠天行春鶯幾  
轉遲客月頻圓鴈有歸鄉羽人無訪戴舡願  
徵黃霸入相見玉堦前

楚闌翫雪寄薛左丞

玄雲低禁苑飛雪滿神州虛白生臺榭寒光  
入冕旒 凝宮壁靜乳結洞門幽細繞迴風  
轉輕隨落羽浮怒濤堆砌石新月孕簾鈎爲  
報詩人道豐年誦聖猷

春暮過石龜谷題温處處林園

交情頻更好間氣作垂白無名者何年此陸沉  
自間氣作應得性婚嫁不嬰心歲計因山薄霞棲在  
谷深設間氣作盧連草色晒藥背松陰觸興雲  
生岫隨耕鳥下林搢頤笑來客頭上有朝簷

宿畢侍御宅

交情頻更好子有古人風晤語清霜裏平生  
苦節同心惟二仲合室乃一瓢空落葉寄秋  
菊愁雲低夜鴻薄寒燈影外殘漏雨聲中明

發南昌去迴看御史驄

中書遇雨

濟旱惟宸慮爲霖即上台雲銜七曜起雨拂  
九門來綸閣飛絲度龍渠激溜迴色翻池上  
藻香裊鼎前盃湘燕皆舒翼沙鱗豈曝腮尺  
波應萬假虞海載沿洄

適楚次徐城

去家隨旅鴈幾日到南荆行邁改鄉邑苦辛  
淹晦明畏途在淫雨未暮息趨程窮木對秋

館寒鷓愁古城迷津坐爲客對酒默含情感  
激念知己匣中孤劍鳴

經李蒙穎陽舊居

同心而早世天道亦何論獨有山陽宅平生  
永不諼青溪引白鳥流涕吊芳蓀蔓草入空  
室叢篁深毀垣舊遊還在眼神理更忘言唯  
見東山月人亡不去門

贈漢陽隱者

當年不出世知子食霞人樂道復安土遺榮

長隱身衡茅古林曲杭稻清江濱桂棹爲漁  
暇荷衣禦暑新款顏行在役幽興惜今晨分  
首天涯去再來芳杜春

巨魚縱大壑

巨魚縱大壑遂性似乘時奮躍風生鬣騰凌  
浪鼓鱗龍攄回地軸鯢化想天池方快吞舟  
意尤殊在藻嬉傾危嗟幕燕隱晦誚泥龜喻  
士逢明主才猷得所施

錢考功集卷之七終



錢謙益印  
錢謙益印

卷之四